

Universitätsbibliothek Paderborn

**R. P. Richardi Arsdekin Soc. Iesu S. Theol. Professoris
Theologia Tripartita Sive Resolutiones Polemicæ,
Speculativæ, Practicæ, Controversiarum, & Quæstionum,
etiam recentissimarum, quæ in Schola, & ...**

Missionarijs, & alijs animarum Curatoribus, & Theol. studiosis solerter
accommodatæ ...

Complectens copiosè Resolutiones Theologicas, etiam modernas, ad
proxim accommodatas

Archdekin, Richard

Antverpiæ, 1682

Quæstio 14. Absolutio in negatione externa fidei

urn:nbn:de:hbz:466:1-40873

Pars i. tract. 6 Resolutions practicæ ad Eccl. 557
Patet ex Concil. Trident. sess. 4. Decreto de edit.
librorum.

Sed quid de iis qui legunt ejusmodi libros si-
ne Authoris nomine editos. Respondeo, Si
constet scriptos esse ut aliorum famam graviter
ledant, aut eos de rebus sacris tractare, eo-
rum lectionem prohibitam esse sub peccato
mortali, & judicio Episcoporum severè pu-
niendos esse, juxta Regulam X. Indicis libro-
rum prohib. §. ult. in fine Concilii Tridentini.

Sub simili reatu & pœna prohibetur lectio li-
brorum qui continent Astrologiam judiciariam,
sive fortilegia, beneficia, auguria, aurispici-
a, incantationes artis magicæ. Permittun-
tur verò indicia, & observationes naturales,
qua navigationis, sive medicæ artis juvandæ
gratiâ conscribuntur: uti patet ex Indice supra-
citato Regulâ IX.

QUESTIO XIV. *Absolutio in negatione
externa fidei,*

§. I.

AN probabile sit, illum qui ex vi, metu,
aut dolo, aliove modo inter infideles aut
hereticos fidem exterius negavit, corde tamen
illam retinuit, postea inter Catholicos absolui
posse à quovis Confessario ordinario & appro-
bato, et si specialem facultatem non habeat ab-
solvendi à reservatis.

REspondeo, spectatâ Doctorum authorita-
te, id probabile videri. Quia etiam si ta-
lis gravissimè peccet contra externam fidei pro-
fessionem, eensisent tamen non esse hæreticum

Aa 3 com-

558 Pars 3. tract. 6. Resolutiones practica ad &c.
comprehensum in Bulla Cœnæ , quia errorem
internum in intellectu non admittit : hæresis
autem externa , inquiunt , absque errore inter-
no , cum non sit formalis & completa , non
subjacet excommunicationi. Quamvis talis ab-
Inquisitoribus in foro externo puniri possit ,
quia præsumunt illum contra fidem dissensum
internum habuisse. Ita docet Fagundez in precept. 2. l. 8. c. 8. num. 39. Tolerus in Summa l. 4.
c. 4. n. 6. Suarez tom. 5. in 3. part. disp. 4. sect.
2. n. 22. Sanchez in Summa tom. 1. l. 2. c. 7.
n. 8. in fine. Filiucius tom. 2. tract. 22. c. 6.
n. 164. Sylvius in 2. 2. quæst. 11. art. 3. concl.
2. qui sic ait : Ex his sequitur quod qui propositiones
hereticas effuderunt , qui Sanctorum imaginibus illu-
serunt , qui comederunt carnes tempore prohibito , qui
Mahometo cultum & reverentiam exhibuerunt , si ea
fecerint aut metu compulsi , aut spe lucri adducti , aut
irâ , vel alia quacumque passione commoti , nullum in
enim errorem , at pristinam fidem rectam tenentes ,
neque heretici sunt , neque excommunicatione in hæ-
reticos latâ innodati. Ita Sylvius , & alii qui sic
hanc quæstionem resoluunt , an per omnia re-
ctè , alii judicent.

§. 2.

Quid facere possit hæreticus occultus , qui
per Confessarium ab Episcopo , vel alio
potestatem habente , absolutionem obtainere
non potuit , quando posuit omnia ex parte sua
requisita.

Respondet Diana part. 1. tract. 5. resol. 4. in
tali casu potest hæreticus occultus ratione
infamiae vel scandali , si timeantur , dum Sa-
cerdos est celebrare , si autem laicus Eucharis-
tiam

stiam sumere , eliciendo prius actum contritionis , & si non existimat se contritionem perfectam habere , confiteatur , & à Confessario absoluatur , ex doctrina probabili quam docet Reginaldus in Praxi tom. I. l. 8. c. 7. n. 87. & alii quos citat Sancius in Selectis disp. 22. n. 124 quidquid alii cum ipso Sancio contradicant. Ita loquitur Diana , qui hanc sententiam in praxi probabilem iudicat.

QUÆSTIO XV. Bona Ecclesiæ.

Quid consulendum Catholico qui bona Ecclesiastica ab hæreticis coemit?

R Espondeo cum Lessio in posthum. cas. 6. n. 14. Ubi nulla intervenit dispositio Ecclesiæ permittentis bona illa ab emptoribus legitimè possideri , optimum in hoc negotio consilium est , ut legitimè procedatur , convenire cum Pontifice , aut Generali Ordinis cui illa bona jure debentur , præstâ satisfactione quæ rationi consona judicabitur.

Sed Quæstio ulterior est , quomodo se gerere debeant hæredes , ad quos de facto bona Ecclesiastica ab hæreticis empta à majoribus devoluta fuerunt ?

Respondeo , Si veris Dominis satisfactum non fuerit , illicitè ea possideri , nisi ad sit dicta dispositio Ecclesiæ , aut animus ea bona cum fructibus restituendi suo tempore Ecclesiæ , aut personis quibus ea iniuste erupta fuerunt. Quare ut legitimè retineantur cum illic transigendum erit. Ut autem huic difficultati provideatur , solet Pontifex , cum hujusmodi hæredibus dispensandi , in partibus hæreticorum facultatem impertiri Episcopis , & qui-

A a 4 busdam